



COMISSÃO ANTI-CORRUPÇÃO



## Komunikadu ba Imprensa

### CAC ho CNE Atu Hala'ó Konferensia Konjunta ba Konkorentes Eleitoral sira

*Ba Publikasaun Imediata: 24 Feveireiru 2012*

*Dili, Timor-Leste*—Komisaun Anti-Korrupsaun no Komisaun Nasional Eleitoral (CNE), tuir planu, aban loron Sabadu 25 Feveireiru 2012, sei hala'ó konferensia konjunta ida iha Dili ba partidus politiku no independentista sira molok tama ba eleisaun. Tema ba konferensia ne'e maka "Transparensia no Fiskalizasaun ba Konta Eleitoral: Dalan atu Hado'ok Husi Korupsaun Eleitoral."

Objektivu husi konferensia ne'e atu kria ambiente publiku ida nebe kritika ba lala'ok sasukat demokrasia nian no atu hasa'e tan konhesimentu politiku na'in sira konaba hadok aan husi hahalok korupsaun eleitoral nebe maka istraga valores demokrasia no imajen nasaun nian. Objektivu importante seluk husi konferensia ne'e maka atu reafirma komitementu partidus politiku sira konaba sira esforsu atu prevene no kombat korrupsaun wainhira kaer ukun.

Tuir planu, representante husi partidus politiku no kandidatu independentista sira maka sei marka prezensa iha konferensia konjunta ne'e, hamutuk tan ho konvidadus ofisiais governu nian, korpus diplomatiku, sosiedade sivil no sidadaun sira nebe iha interese ba prosesu politika Timor-Leste maka sei mai atende konferensia konjunta ne'e. Konferensia durante loron tomak ida ne'e tuir planu sei hala'ó iha Sentru Konvensional Dili husi tuku 8:30AM to'ó 5:30PM.

Seminariu ne'e tuir planu sei apresenta peritus sira husi rai liur no rai laran. Husi rai liur maka Michael Maley husi Komisaun Eleitoral Australia no Hamdan Zoelva husi Tribunal Konstitusional Indonesia. Husi rai laran nian maka Prezidente Tribunal Rekursu Claudio Ximenes, Komisariu CNE Faustino Cardoso no Komisariu CAC Aderito de Jesus Soares. Padre Martinho Gusmao husi CNE maka sei modera konferensia ne'e. Topikus nebe panelista sira apresenta iha konferensia ne'e inkluidu papel CAC nian iha prosesu eleitoral, leis eleitoral hare husi perspektiva legal no estudu komparativu konaba sistema eleitoral husi regiaun ne'e.

Inisiativa atu hala'ó konferensia konjunta ne'e mosu hafoin CAC no CNE halo diskusaun lubuk ida konaba prosesu eleitoral ba eleisaun 2012.

- Final-

Hakarak hetan informasaun liu tan halo favor bele kontaktu: Mica Barreto Soares

Tel: 7997272

E-mail: [cac\\_tl@yahoo.com](mailto:cac_tl@yahoo.com)